

यच्चातुर्मास्यान्यशूनालभते साक्षादेव तत्संवत्सरमवरुन्दे वि वाऽएष प्रजया प-
 शुभिर्व्यध्यतेऽप स्वर्गं लोकं राधोति योऽन्यत्रैकादशिनेभ्यः संवत्सरं तनुतऽइ-
 त्येष वै सम्प्रति स्वर्गो लोको यदेकादशिनी प्रजा वै पशव एकादशिनी
 यदेकादशिनान्यशूनालभते न स्वर्गं लोकमपराधोति न प्रजया पशुभिर्व्यध्यते
 ॥ २ ॥ प्रजापतिर्विराजमसृजत । सास्मात्सृष्टा पराच्यैत्साश्च मेध्यं प्राविशत्तां दशि-
 भिरनुप्रायुङ्क्त तामाप्रोत्तामाप्त्वा दशिभिरवारुन्द यदशिन आलभते विराजमेव तैर्य-
 जमानोऽवरुन्दे शतमालभते शतायुर्वै पुरुषः शतेन्द्रिय आयुरेवेन्द्रियं वीर्यमा-
 त्मन्धत्ते ॥ ३ ॥ एकादश दशत आलभते । एकादशाक्षरा वै त्रिष्टुबिन्द्रियमु वै वीर्यं
 त्रिष्टुबिन्द्रियस्यैव वीर्यस्यावरुद्धाऽएकादश दशत आलभते दश वै पशोः प्राणा
 आत्मैकादशः प्राणैरेव पशून्समर्धयति वैश्वदेवा भवन्ति वैश्वदेवो वाऽअश्वोऽश्व-
 स्यैव सर्वत्राय बहुवृत्ता भवन्ति तस्माद्बहुवृत्ताः पशवो नानावृत्ता भवन्ति तस्मा-
 न्नानावृत्ताः पशवः ॥ ४ ॥ ब्राह्मणम् ॥ १४ [२. ५.] ॥ ॥

युञ्जन्ति ब्रध्नमरुषं चरन्तमिति । असौ वाऽआदित्यो ब्रध्नोऽरुषोऽमुमेवास्मा
 ऽआदित्यं युनक्ति स्वर्गस्य लोकस्य समर्थे ॥ १ ॥ तदाहुः । पराङ्माद्यज्ञ
 एति यस्य पशुरूपाकृतोऽन्यत्र वेदे रेतीत्येतत् स्तोतरनेन पथा पुनरश्वमावर्तया-
 सि न इति वायुर्वै स्तोता तमेवास्माऽएतत्परस्तादधाति तथा नात्येति ॥ २ ॥
 अप वाऽएतस्मात् । तेज इन्द्रियं पशवः श्रोः क्रामन्ति योऽश्वमेधेन यजते ॥ ३ ॥
 वसवस्त्वाञ्जन्तु । गायत्रेण हृन्दसेति महिष्यभ्यनक्ति तेजो वाऽआज्यं तेजो गायत्री
 तेजसीऽएवास्मिन्समीची दधाति ॥ ४ ॥ रुद्रास्त्वाञ्जन्तु । त्रैष्टुभेन हृन्दसेति वावा-
 ता तेजो वाऽआज्यमिन्द्रियं त्रिष्टुतेजश्चैवास्मिन्निन्द्रियं च समीची दधाति ॥ ५ ॥
 आदित्यास्त्वाञ्जन्तु । जागतेन हृन्दसेति परिवृक्ता तेजो वाऽआज्यं पशवो जगती
 तेजश्चैवास्मिन्पशूंश्च समीची दधाति ॥ ६ ॥ पत्न्योऽभ्यञ्जन्ति । श्रियै वाऽएतद्रूपं